

河南府縣志輯

中國地方志集成

乾隆新鄉縣志
民國新鄉縣續志


中國地方志集成

河南府縣志輯 ⑫

乾
隆
新
鄉
縣
志


民
國
新
鄉
縣
續
志

上海書店 ● 巴蜀書社 ● 江蘇古籍出版社



乾隆新鄉縣志

(清)



趙開元修
暢俊纂

本書三十四卷、首一卷。現據乾隆十二年
(一七四七)刻本影印。有佚失。

誠在庚申余自湯陰調任緡開縣志卽擬重脩而鞅掌簿書未及也如是者又數年乃得博采群編旁搜故簡邑內之殘碑斷碣亦罔不訪求摹搨以資發證其故家遺族學有淵源群稱碩彥者判牘餘閒相與諮諏商榷復進諸生之賢而有文者令其編纂綴屬而余親加裁定焉補舊志之缺刪舊志之訛稍仿史體爲十一圖四表十九志十二列傳夫志以彰往示來亦非徒徵文考獻益其事甚難何可苟焉而已哉卷帙粗完移官武陟勿勿付梓深愧疎蕪嗣而脩之是在作者豈乾隆丁卯相月下浣知新鄉縣事奉新趙開元序

志序跋

萬曆己卯新鄉縣志後序

嘗謂禹貢地志也乃經中之史自周禮有小史掌邦國之志而後之志郡邑者宗之稽往牒以鏡前修志顧可少哉新鄉古鄘地在金元爲衛輝路逮我皇明混一區宇建縣隸衛當秦晉燕魯之孔道丁丑夏來令茲邑甫下車首詢故志蓋僅自陽谿王公嘗一草創之而竟未就文獻無徵考詢奚賴予用是惴惴懼矣爰謀諸者彥李公承寶郭公從可相與遠稽古籍近搜舊帙嚴義例覈名實析爲七卷七卷列而邑之大畧脩矣夫志者經世之具有裨于實用非徒以觀美爲也是故觀于戶口之豐耗而知勞來休息之方觀于賦役之繁簡而守劑量均平之則觀于土田之肥瘠而嚴改竄冒隱之禁觀于風俗之美惡而審化導轉移之機觀于人才之盛衰而急作新課教之法其他循星土以察災祥窺形勢以示守禦修陂塘以時蓄洩秋祀典以昭崇報凡此皆邑之大事皆志之所以爲訓也予不敏方懷製錦無能乃幸邑有賢者亟成是書朝夕省覽以爲酌古準今之助其庶幾可免于大戾也夫若曰因其質而文之訂其闕而補之則有侯于後之君子萬曆己卯知縣會稽余相跋

萬曆甲午新鄉縣志序

新鄉隸衛郡康叔舊封也傳記孔子適衛嘆生民之庶垂富教之訓是民非富教奚以立然文獻無徵即富教曷稽焉此志之所不可缺也乃邑當八省午道供輸繁難有司者惟簿書送迎是驚志自弘正以前皆不可考嘉靖初邑侯茹公始輯成編歲久散佚脫墨無次萬曆丁丑會稽余侯復徵邑人靈山黨教授李君承寶

新鄉縣志卷首

11

新鄉縣志卷首

111

新鄉縣志卷首

111

故老又有未盡然者豈世變為之乎夫三代好尚小人且有弊焉氣運循環盛世不能強也儻紀載有據君子視以為從違世道或賴之矣予始至邁灾疫甫紓庶務廢閑租賦繁難拮据而未暇越四瀛為今之甲午始協邑博唐君仁喚陳君至言新君有德採集彙附以續二十年中之言與事遠存創始之舊近列增益之規上接旁蒐之畧下昭考據之詳鑿鑿實錄鄉大夫序諸簡端文獻以彰矣予叨司牧是當為一方惇典則也得以跋之併付剞劂氏云萬歷甲午知縣永年盧大謨跋

崇正新鄉縣志序

余讀南史稱顧野王著國史記傳及輿地志而江南典章文物賴之以存昔鄭端簡著吾學編九論述必究悉於其人之家乘輿頌考遺問寔而不敢臆斷是以可信可傳我明興刊行一統志而又

新鄉縣志卷首

四

有省志郡志縣志各紀方物不既多與蓋一統志識其大也病畧而不舉至省郡縣而加詳焉則識其備也然繁而不寔穢而不正亦其病也武功小邑也經康對山操觚而海內推尊然則家乘輿頌考遺問寔固非縣志不脩若闕焉若畧焉即有絕代手筆黼黻國史又何據以為信從乎故寔而不繁正而不穢即足以殫究其實昭示來茲非僅僅小物之勤也吾新邑舊無志始自嘉靖茹公至會稽余公而成帙迨永年盧公復新之一邦之書獲有完策觀梁郭兩中丞序言風雅足述焉迄今四十餘年未經編輯能無盛衰治亂今昔不同時因革損益前後不一規者乎况吾邑子衛稱材藝諸先達簪筆奮起若馬郭兩君子皆後先館局司國史而於鄉里風尚顧未有筆削豈其有所俟與方余授館員竊有志而未逮再隸西掖羽書日數上又未能磨墨問前轍也安化米公

後歲尚而嫻於武畧保障禦侮之暇披觀邑志遂命一時多聞之訪故家之傳求長老之說相與討論而修舉之燦然明倫矣遺積問序於余余謂如余草創者也草創者見其大端而已米公修錄潤色者也將奮起而續顧野王鄭端簡之為文之為人豈徒記名姓而已哉異日參錯總志宣付國史將與武功共稱不朽矣米公弭盜修城清蠹救災善政堪垂青史者不一又何煩縉彥之贅云崇正十三年季春兵科都給事中邑人張縉彥序

順治新鄉縣新志序

在屠維大淵獻少司空坦公先生揖余曰吾邑新鄉舊有志然於古多畧如牧野汲冢黃沁河渠柘舟鄆風等悉不載懼其闕而莫攷也是以更為一編名曰新鄉新志今將成子其為之序余受讀未竟作而嘆曰甚矣先生之嫻於史也夫今之志即古之

新鄉縣志卷首

五

史大之紀一代之興廢與夫一國之山川土田民物風俗及當時君公卿大夫言動之燮惡以昭勸懲垂將來推之一邑一鄉之有紀載取義皆然典至重也故孔子言夏殷之禮而病杞宋之無徵則往事之不可不詳昭昭已新鄉雖於今為邑然在成周本康叔封域親沐作新之化地接太行王屋蘓門百泉諸名勝咸在襟帶間衛水繞北郭滌洄而東靈秀所鍾今昔一揆觀感之資足遠者治指不勝屈如之何其可或遺也故先生之為此志也殫精探索自唐虞以降四千年之故實莫不臚若列眉曲而象緯顯而流峙微而淑慝脩三才之理綜萬彙之情或瞻而覈或簡而該刪之作之林蔚宗以還定當避席洋洋巨觀故乃余讀是編而更不能不有慨於中者前此二十餘年間蓋嘗雨過是地初至之日但見其受東西之衝輪蹄接踵民歎勞止然猶存熙攘之舊覺尼山

世一嘆依稀未遠及其後也則滄桑幾更原野非昔獨徘徊魏原
郊關以外故壘尚新耳嗟乎有興作即有征輪有變遷必有治亂
天下者一邑之積也俯仰興懷何能不望於修教之人今者景運
維新新鄉為河朔名區承流最通九蒞是土者攷古證今察戶口
登耗之由究治化升降之故往事足師不越几席而得之乃無負
先生以志為史之苦心云爾順治己亥秋日大學士劉正宗序

蓋聞天道無常故星日有薄蝕之變地勢至厚而陵谷有遷移之
時然其間幹旋轉運俾三辰不失其次河嶽咸循其紀則在乎人
事之修舉而已人事修舉責諸君相而史臣之職實為之龜鑑故
曰域中有三權曰天曰君曰史官此非虛言也史在於朝則為一
代之書史在於邑則為一邑之志志顧不重哉新鄉古鄆地殷先
王之膏澤沐浴最深其後雖染于妹土而保父之化肇自孟侯殆

新鄉縣志卷首 舊序

六

與伊洛豐鎬同其熙洽其析汲獲嘉二邑地置新鄉則規于隋累
代因之山川形勢左孟門而右太行人民風俗勤播種而尚孝弟
洵河朔要區哉前志雖有可觀兵燹之後因革固已不同名公碩
儒之懿行騷人文士之纂述更多未倫適大中丞膠侯賈公持節
豫州檄郡縣各修厥志新鄉之志則請于少司空坦公張先生曰
先生操觚司海內文衡以矣若然藜天祿之閣則當上繼龍門扶
風助是非賞罰之權茲一邑之志聊應所懷其鄧林之一枝而豈
山之片玉也歟先生曰是役也余不可以辭于是含毫吮墨纂要
鉤元詢諸故老之傳聞與夫貞珉之鐫刻且傍採博蒐自經史以
及諸子百家里歌巷謠凡有闕渺莫不据摭網羅無所迭替至於
恒星分野七政東行之說則又與余投書辨論而先生獨得其精
微然則雖一邑之志君子觀之以為有良史之才焉余故樂為誌

而敘之俾後之覽者知夫一邑之中亦有天地古今之變幻宏瑰
偉之觀而幹旋轉運安民阜物必有待于邑之良有司與鄉之耆
德而好學者此物此志也夫順治己亥八月大學士柏鄉魏裔介
序

將以是非得失與壞理亂之故而為世戒則必得其所托而後能
傳久遠而不廢則史是也縣史而降省有通志郡州邑有志其
取義皆裁于史亦有與史異者蓋史于善惡無所不書而志者蓋
一區之中其山川人物文章風俗之美樸後世之淹淪磨滅而無
所傳也志而存之苟其山川之陋人物之惡文章風俗之偷薄而
不倫皆不書此其所以與史異也然所以存勸懲儆觀效使善人
喜其見傳則勇於自立惡人無所紀取則以懼且悔蓋亦有微權
焉世之衰也子孫欲褒揚其祖父而不本乎理道邑之公卿大夫

新鄉縣志卷首 舊序

七

懼蓋棺之無以見書於史也思欲托于志以傳立言者皆莫之拒
而不為又且迫于其情也書其惡焉則人情之所難出于是乎志
始不寔志不實而作志之權始不尊後有作者當觀其人苟託之
非人其所書非遺則濫遺且濫故不足以行世而傳久遠雖一邑
之中其有嘉言善行迄一節之足傳者亦皆湮滅無聞然則受是
托者非具識力而能文章鮮能勝任蓋具識力者於人之善固不
能欺而於人之惡亦無能掩如是則不遺不濫矣苟其言之不雅
訓則難以致遠故又在其文辭之工焉新鄉坦公先生所稱具識
力而能文章者也其邑志雖奉檄中承賈公檄寔出先生之手也
舊志之所詳畧而一舉於理道既無所遺又無所濫洋洋乎大觀
也哉史家首推班馬嘗考遷自作史記恣所欲言而固奉詔為書
書不無避忌遷文豪俠而固謹細固其所也先生今日無功令也

上無子孫陳情於下恣所欲言則斯邑山川之美人物之盛又
草底俗之厚朴而簡重得托先生行世以傳久遠無疑也予山居
稿廬先生雅意貧交一歲中書常三四至馬子曾東入曾有遊諧
為予刻之濟南及與及門子答問數則又為刻之武林會修中州
志中丞公以予為托予慮不勝任辭之至再先生則和書教予
以此係河洛淵源辭何為也嗟乎予為予無辭昔薛方山修浙通
志七年始成孫文忠修高陽志亦十餘年始出以示人二子者其
文章識力為何如也矧予識闇力薄衰老不文辭固其宜今於新
邑志固不敢認托曰游夏之弗贊也順治庚子春日徵君容城孫
奇逢序

舊史氏曰古今載籍惟經與史而六經之中尚書春秋皆史也自
馬遷而下曰紀曰書曰考曰志皆史也自通省有志而郡而縣各

新鄉縣志卷首 舊序

八

紀方土軌物不存史之意微矣何以文為廊舊有志自余侯相始
也事出草創其意甚勤而考稽未備于事則近畧于簿書案移則
近蔓畧與蔓不可以史即不可以志余承中丞賈公命與傅巖許
公商權更編之定為九志輿地則考于郡縣所自始星野則辯於

室壁所由分建置粗存其制田賦深究其微河渠則黃公衛丹利

一而害十焉若官師若選舉若人物跡其行事往往足以垂法

式來茲焉夫東壁古稱文章之府牧誓鄘風以來唐宋元明各有

著作或存古人風徽或著今人姓氏要以嗣美前代風徽後裔而

已舊志七今增星野河渠而九其曰新志者雖出別纂終不敢沒

前人之志也順治己亥仲秋既望工部右侍郎邑人張縉彥序

新鄉縣有志舊矣代當鼎革山川不改風俗如故而星移物換
昔是今非不有作者後何以觀大中丞賈公率撫兩河胥省志

已命余書末簡新鄉志寔坦公先生操觚而編次焉舊志與
建置賦役官師選舉人物藝文七則今增星野河渠而九集成
曰新志明有辨也余讀竟作而言曰此春秋之義何可作邑乘
也披覽歷代方域諸書皆紀其山川風俗人物之美而史法無
以地志而存史法自武功志始今新志倣此意也其文則經
事則更傳其信不傳其疑如虛糧塚道環里皆舊志之所載而
志之所制也載於今必稽於古如武穆戰豐漢壽亭侯新將報
曹歸劉皆新志之所詳而舊志之所闕也輿地建置必考其沿革
見王者非易地而王也星野不信西學廢占驗見聖人敬天而治
也賦役有制河渠考舊見良吏不違民而理也紀選舉不以一事
舉生平定人物不以官爵分軒輊官師自長吏下及文學丞尉之
不一事必書不敢忘焉不敢諛焉其論嚴以正也條載尚書毛詩

新鄉縣志卷首 舊序

九

諸編其藝文又何雅而馴也古者採風問俗實之天子而歌於朝
廟詩亡而春秋作是史而經者也新志以一邑之記述而關天象
災祥人事得失風俗淳駁之大是志而史者也此春秋之義也何
可作邑乘觀也順治己亥太僕寺少卿邑人許作梅跋

康熙新鄉縣續志序

新古故朝歌地也周興分北為邶南為鄘而新屬於鄘自漢以後
屬河內郡迨隋析置新鄉蓋取諸作新之義云爾其地孟門列其
左太行峙其右南望大河集哉洋洋西控上黨雄城百雉斯則一
郡之形勢而新與同其勝者也若乃衛水滌滌帶丹流旋繞稽仙茅
之故績闢百源之清輝探奇覽異新固未多讓焉夫古者輶軒
歷必誌其地土風俗以鏡其政治而獻之於王今新擅疆域之美
當星輅之衝採風者所必及焉顧使其方名人物殘缺不修其

以備職方之所改儲石室之所藏乎維大中丞閣公秉鉞天中體
天子寧民阜物之意日夕孜孜求臻至理利舉弊革乃殷懷于文
獻之定將以先王燭而輝煌之麟以猥劣承乏茲土捧檄之下著
其嚴其慎也固思夏殷之世有左史右史周則有大史小史內史
而諸侯之國亦置史官今省郡州邑咸以志稱倣古年表紀列傳
志之名而統以志括之是紀傳寓以編年要在簡得宜因革至
見如憲檄所稱必信必徵始足傳後有敬言乎夫由省而府而縣
若大宗之有小宗也若經星之有緯宿也地晰則任專故省府之
志統其綱而縣志必悉其纖新邑舊有志矣乃延宿儒者碩鑒舊
本參新事遵憲檄所頒義例編緝成書或昔無而今有或昔畧而
今詳或昔訛而今正總以無欺慢之心行其無所苟之事而已麟
既之三長則識採錄幸與諸賢證據不棄所願刊刷既施俾斯邑

新鄉縣志卷首 舊序

十

之士若民披覽而指之曰某星某野是吾世澤之所依也若賦若
役吾庶民之所急公也陂澤桑麻吾士女之所沐浴而歌思也人
文之美政治之傳是風氣所以日開而太平所以黼黻也其小人
服先嗜君子修德業而官斯土者法戒亦以昭焉異日太史採風
誌銀管列貞珉光前而示後所繫必非淺鮮然則大中丞重修之
檄固于土壤細流將以觀其所積矣昔康熙庚午孟冬知縣遼東
周毓麟序

誌何爲而作也古者採風有使十五國之歌謠貞淫畢具後之人
取一方風土筆之於書以待問俗者之博稽蓋亦有詩意焉古
列國有史故春秋亦列國之書而孔子因之今之郡縣長古諸
也考文徵獻以彰往而察來不可謂非春秋之道也得詩之意
法春秋之道而誌之作於是不可已吾邑古鄆地爲鄆附庸自

以宋廢廢屢遷今日南北往來稱孔道焉前代不具論勝國以
我朝其間雖遠近異時質文異致新舊皆有成書班班可考也
適己亥而後歷年已三十於茲昔梓漸微後事未登將何以脩觀
覽昭勸戒乎圖臣周侯下車日即有採訪纂輯之意彼時百務方
興修廢舉墜之是亟何暇及此越七載政成矣適會大中丞閣公
以修乘之役徧徵兩河侯於是爰進薦薦紳先生博採群說摭據佚
文裒舊益新而經營之時則劉子子靜許子紫陽及余小阮羽訖
謹承侯命共襄厥事開局之初走函京師而聞於余余曾作管見
數則以貽之書成復自郵筒賁稿而屬之序余以爲吾邑太行之
蜿蜒西來衛源之潞洹東注舉目山河之舊風景原自依然即過
牧野而興思望岳壘而生悲與夫瞻仙石佛新奇可喜之故事亦
無事再爲點綴惟是邇來天道不常民生多變如城郭圯矣奠之

新鄉縣志卷首 舊序

士

金湯者誰與康庚空矣致之充拓者誰與文教廢而武備弛矣宏
作人之化而厘不虞之戒者誰與蓋時與事兩值其難官與民交
相爲瘁矣是編也義例雖不越舊志之遺而一邑中政事損益災
祥徵應田賦戶口之登耗鹽政河渠之格例驛傳胥役之供費官
師人物之隆盛莫不燦然明脩而又終以藝文禮志大易臨觀之
後受之以責所謂觀乎人文以化成天下也至夫關風教切民瘼
者則尤其筆削之大端而寔皆周侯體國經野之定政三子者斷
不加浮辭瑣語於其間耳攷其地而如親康叔武公之遺觀其民
而猶存三代之直寧得曰今之所爲志僅政譜也而不可進於經
術也哉余以王事馳驅不獲如願今從千里外樂觀其成嘉吾周
侯深知治體而能不負茲守土也更嘉吾三子諳練故寔儼然爲
一方獻章所攸寄也於是乎書昔康熙二十九年孟冬戶部員外

舊傳姓氏

郭庭梧參閣

明崇正庚辰志知縣盧大謨教諭唐仁暉訓導陳至言靳有德纂
冊邑人梁潤孟郭庭梧參閣郭庭梧王毓岐梁賓孟季一桂趙九
德張問善梁旭微南宿郭澆郭樂寬採

明崇正庚辰志知縣米壽圖編次邑人張問仁郭澆張縉彥參閣
梁祥明張縉彥郭士標路嘉言李思謙趙民表趙時英楊美才董
採

國朝順治己亥新志中丞賈漢復鑒定邑人張縉彥纂許作梅閣
逢陽張潛鄒陵韓則愈江寧紀映鍾錢塘王嗣槐杭州張剛孫邑
人張鳳起蒐採梁祥明郭士標任文縣楊毓蘭劉源潔南起鳳于

新鄉縣志卷首 姓氏

芳劉源湛張欲含周嗣昌參校

康熙癸酉續志知縣周毓麟李登瀛鑒定邑人任昌期劉源淵許
蘭梅劉學標趙作楷纂脩邑人任璿詳開洛陽郭如岳邑人周嗣
昌段廷琯郭晉熙白受采暢泰徵南周南馬斯良馬斯祖王儒衆
正候官王丹校訂邑人張翼展任塔白生色孟鏞王三重趙薄仁
呂方路所學蒐採

修志姓氏

鑒定

新鄉縣志卷首 姓氏

河南分守彭奮懷兼管河北河務水利兵備道胡振組

河南分守聞歸陳許兼管河務水利兵備道沈青煙

河南分守河陝汝兼管水利道張學林

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

河南分守南汝光兼管水利道崔琳

纂修

縣 典

史韓嘉正

管 縣 丞

事楊銘侃

教 人

蕭潘德人

新 縣

縣 典

史韓嘉正

戊 午 科 舉 人 楊 俊 邑人

分編

辛 酉 科 舉 人 郭 均 邑人

丁 卯 科 舉 人 郭 泓 邑人

戊 申 科 拔 貢 生 張 應 桂 邑人

丁 巳 科 貢 生 牟 文 謨 邑人

乙 丑 科 貢 生 李 三 德 邑人

廩 生 王 曰 俞 邑人

廩 生 郭 填 邑人

廩 生 郭 洲 邑人

附 生 張 來 震 邑人

附 生 王 體 異 邑人

附 生 殷 元 禮 邑人

附

新鄉縣志卷之九

二

九例

一邑志自明萬歷茹令鳴鉉始輯成書余令相復脩之茹志未付剞劂故其書不傳余志亦復散佚今所有者明萬歷盧志崇正米志 國朝順治新志康熙續志而已盧米二志悉仍余志之舊續志本新志而成諸志互有短長間有採用必著所自不敢掠美

一郡縣志必首列圖有圖即不可無說鄭交際作圖譜畧謂天下學術皆在圖譜有書不可用者天文其一也書以濟圖之窮故於圖下綴說以便省覽

一舊志先立輿地天文建置等名乃復以諸類屬之然按其全部繁而未該今竊附史例首列圖說表次之志又次之以列傳終焉

新鄉縣志卷之九

二

一沿革為開卷首目新鄉為古鄆地屬郡隸州分併不一考諸史冊晰其原委而立表焉有國邑斯有封建則封爵可類載也秩官一邑之尊者也選舉一邑之賢者也悉表其時代以明鄭重之意

一秩官不論有無官績例得入表而衛所等官舊志未經採入今底賦已歸縣轄其職久廢然前此之官斯地食斯土者不增列不可也舊志列薦辟於科目之前今州縣起家每由科第而薦辟則曠典幸逢故首科第次辟薦次明經其應例武途另為一表附以雜進仿漢取士之遺意終以封蔭無軒輊云

一志有星野宜首列以見地統于天之義舊志次天文於輿地之後今改正之至疆域見幅員之廣形勝亦所以察於地利也鄆都屯營布於疆域者仍附載焉

一山川城池關梁學校公署皆志之大綱附以城堡郵傳書院義學社學各以類從也民生休戚岩視河渠脩載今昔創脩之不
同與工役之先後故卷帙為特詳

一戶口賦役關係最重歷代貢賦不一前明始有全書 國朝承

平日久樂利無疆其沿革損益亦復因時變通衛所編併縣管
丁則永不加賦 廟算鴻謨高出千古茲特條具源流詳為登

記附列郵政紀 殊恩也至兵防識地利之險風俗規民好之
同物產詳土宜之性皆切務也徵實紀之用資考鏡

一古人雖遠遺蹟猶存緬其風流不令湮沒附以園亭選勝也坊
表為一邑風教之樹非直美觀統以名蹟分為上中下卷

一藝文志祇立書目不選詩文各史及鄭氏通志皆然否則文
選體非藝文志體也書目之下附錄原敘蓋藉以參觀作者之

新鄉縣志卷首 凡例

二

行誼抑於鴻文典冊庶幾窺見一班卷帙雖繁非徒夸靡

一祠祀邱墓紀必徵實敬鬼神重賢哲也邑中事實備矣舊志灾
異今易為祥異此外殘編軼事薈聚而成非敢稱洽聞供博物
也

一舊志列宦績于秩官志後今為列傳亦史家紀循吏之意且以

示勸也人物以類相從不以先後為敘非敢區分流品恐有睚
非同傳之譏也至閨門節烈詳記無遺以列女統之冠以勝朝

世廟貴后明有尊也舊志未列方伎仙釋僑寓茲悉增入焉

一舊志簡而未該義例亦未盡善今仿史體為圖為表為志為傳

計三十四卷庶幾網舉目張敢云考據精覈至他志有論有贊
昉後漢書然世頗譏其贅不敢尤而效之也

邑志之脩前明而後 本朝則王今克儉周令毓麟延邑人

增輯其珥筆姓氏志序可考迄今又五十餘年矣余公事之
餘復理殘編濡筆伸紙而此邦人士如暢孝廉俊熱於掌故
出其舊纂若干卷頗稱淵雅乃取舊志及暢稿與邑中紳士
從事排纂顧以委綴頻仍又兼攝篆馳驅道路作輟者不絕
焉若夫文章之短遠邇昔人特不敢因陋以就簡更不敢誇
多以門靡此則余之苦心也

新鄉縣志卷首 凡例

二

新鄉縣志卷第一

圖說

河出圖天地有自然之象圖譜之學由此而興洛出書天地有自然之文書籍之學由此而出圖成經書成緯一經一緯錯綜而成文新鄉雖蕞爾邑而分野畫疆與邑中之建置有經有緯志既繪圖復為之說左圖右書洵不可偏廢也

圖先星野而縣境大之地統於天明有序也縣境之中城池所以衛民廩署所以敷政而學宮之設所以明倫若夫書院之廢興亦有關於文運

聖朝菁莪棧樂育人材新鄉一邑之作新足規化理境內雖無名山大川而逝水滄亭可以賦詩即堪入畫至於黃沁兩河之故道可考而知志遷徙於當年尤足慶教寧於此日矣

三宿圖說

新鄉縣志卷一



志目

卷首

序 舊序 脩志名氏 舊脩名氏 凡例 目錄

卷第一

圖說 室宿 縣宿 縣境 縣城 縣署 學宮 廊南書院 山水 黃河故道 沁河故道

卷第二

表 沿革 封爵

卷第三

表 秩官上

卷第四

表 秩官中 秩官下

卷第五

表 選舉上 新鄉縣志卷首 目錄

卷第六

表 選舉下

卷第七

志 星野 疆域

卷第八

志 形勝 山川

卷第九

志 城池 城堡附

卷第十

志 關梁 驛傳附

卷第十一

志 學校上

卷第十二

志 學校下 書院義社學附

卷第十三

志 公署

卷第十四

志 河渠上

卷第十五

志 河渠下

卷第十六

志 賦役上

卷第十七

志 賦役下 新鄉縣志卷首 目錄

志 郵政局

卷第十八

志 兵防 風俗 物產

卷第十九

志 名蹟上

卷第二十

志 名蹟中 名蹟下

卷第二十一

志 藝文上

卷第二十二

志 藝文中

卷第二十三

志 藝文下

卷第二十四

志 祠祀上

卷第二十五

志 祠祀下 寺觀附

卷第二十六

志 邱墓上

卷第二十七

志 邱墓下

卷第二十八

志 祥異 拾遺

卷第二十九

志 新鄉縣志卷首 目錄

志 循吏

卷第三十

志 人物上

卷第三十一

志 人物下

卷第三十二

志 宦望 孝友 儒林

卷第三十三

志 文苑 廉介 義行 方技 仙釋 僞寓

卷第三十四

志 列傳 列女



目錄終



新鄉縣志卷一 圖說

縣署圖說

縣署在城西坊橋其制前為宣化坊後為照壁為儀門樓之下為正門門以內東為新神廳進為大門入為廊道而為儀門內有欽石坊後坊而上其儀事三楹曰敬愛左右為廡前堂後堂左右為廡而廊於為上餘間以居督吏府簿書東為收糧所更進則為內署三堂三楹曰德思堂之東西各為三楹後為三堂五楹最後為寢舍二層各五楹東為永堂一層各二楹或人謂之化堂又東為進食堂之東為東便門新廬有井泉井甘而角門外新中廬之井亦無廟事之東為縣丞宅門垣旁較其偏又東為典史宅署後井北城隍廟



新南書院圖說

新南書院在城南隅即龍圖故址前為頭門三楹乾隆六年知縣顧其額升書以隱之入為前堂八角亭亭之東有井井為飯山石後為正廳三楹山長暢俊名其堂曰敬業殿後為後堂所東西齊舍二十間其址廣闊深廣之計地二畝一段東西二十步三尺寬南北六十三步長東北微缺折地四畝七分九厘三毫餘龍圖遺址又一段東西十八步二尺五寸寬南北二十二步長折地一畝六分五毫乾隆十年知縣捐開元廟

